

# काछुबा काछुबी रि कथा

काछुबो न काछुबी रहता समंद में , लेता हरि रो नाम  
भक्ति रे कारण बाहर आया , कीन्हा संतो ने प्रणाम  
संतो रे शरणे पडिया जी , झटक झोळी में भरिया जी  
कळप मत काछुब कूडी ओ , सांवरिया री रीतां रूडी ओ  
भक्ति रो भेद नी पायो जी , सांवरियो नेचे आयो जी

संत लेय हांडी में धरिया , तळे लगाई आग  
केवे काछुबी सुण रे काछुबा , थारे हरी नें बताय  
कठे थारो सारंग प्राणी रे , मौत री आ ही निशाणी रे  
भक्ति रो भेद नी पायो जी , सांवरियो नेचे आयो जी

आडी जळूं मैं ऊबी जळूं रे , जळ गई जाळोजाळ  
कदे नी आवे सांवरो थारो , प्राण निकळ्यो जाय  
कठे थारो मोहन प्राणी रे , मीठोडी मुरली वाणी रे  
कळप मत काछुब कूडी ओ , सांवरिया री रीतां रूडी ओ

बळती होवे तो बैठ ज्या पीठ पर , राखूं थारो प्राण  
निद्रा मत कर म्हारे नाथ री , राखूं थारो प्राण  
हरी म्हारो आसी वारूं रे , जीवों ने तारण वाळो रे  
कळप मत काछुब कूडी रे , सांवरिया री रीतां रूडी रे

काची नींद में सूतो सांवरो , मोडी सुणी रे पुकार  
बळती अगन सूं तारिया जी , काछुब नें किरतार

वाणी भोजो जी गावे रे , टीकम दा राय बतावे रे  
लहरी मेहरा गाय सुणावे रे , चँचल भाई म्युजिक बजावे रे  
कळप मत काछ्ब कूडी रे , सांवरिया री रीतां रूडी रे

Source: <https://www.bharattemples.com/kachba-kachbi-ri-katha/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>